



PARIS

PARIS 1900

ADRESSE TÉLÉGRAPHIQUE



DAI...  
UNIVERS...  
PARIS  
1855  
COURS  
UNIVERS...  
DE LONDRES  
1862  
HORS CONCOURS  
EXPOSITION INTERNATIONALE  
EXPOSITION UNIVERSELLE  
1867  
NOUVELLE MEDAILLE D'OR  
SOCIÉTÉ D'ENCOURAGEMENT  
1870  
4 MÉDAILLES  
EXPOSITION DE PHILADELPHIE  
1876  
GP



francs... 322 10  
13 65  
308 45

mpressées.

de l'expédition.

# عقد عرفيا

## ديبا عماد



إبداع

للتشر الإلكتروني



CARTON POSTALE

trangers n'acceptent pas la correspondance au r

Dx

Adresse du Destinataire



# عقد عرفي



دينا عماد



# تصميم

الغلاف: **Dina Y Elshaarawi**

الداخلي: **Dina Y Elshaarawi**

تعبئة ورابط إلكتروني: **Dina Y Elshaarawi**

فريق عمل



للنشر الإلكتروني

لم تتم ليلتها جيدا... لاتعرف هل هو القلق ام  
الخوف ام ماذا تحديدا؟

جلست مترددة هل تنهض من سريرها ترى  
والدتها قبل نزولها للعمل؟... ام تتظاهر بالنوم  
ككل يوم؟

صوت عقرب الدقائق فى الساعة التى تعلق  
سريرها يدق فى عقلها... كل دقيقة تشعر  
بالخوف والترقب اكثر

حسنت ترددها... نهضت من سريرها وخرجت  
من غرفتها لتجد والدتها متجهه للباب  
التفتت لها والدتها

"ايه ده...صحيتى بدري يعنى"

تلعثمت قليلا...ثم اجابت بابتسامة باهتة

"لا ابدأ...انا هدخل الحمام وارجع اكمل نوم"

سألتها والدتها وهي تتناول حقيبة يدها

"عايزة حاجة اجيبها لك وانا جاية"

"شكرا"

وقبل ان تصل الام للباب... نادتها

"ماما"

التفتت الام وردت باستعجال

"عايزة حاجة؟"

"لا .. انتى رايحة فى حتة بعد الشغل؟"

"لا .. هخلص واجى على طول"

هزت رأسها واكملت

"طيب انا هشىل فيشة التليفون علشان بييجى

معاكسات بتصحينى.. لو فيه حاجة كلمينى على

الموبايل"

"ماشى... سلام"



اغلقت الام الباب خلفها... وتركتها مكانها  
لازالت تشعر بنفس المشاعر المتضاربة  
عادت لغرفتها مرة اخرى... امسكت  
هاتفها... وهاتفته

جاءها صوته متكاسلا... بفرحة

"صباح الفل يا قمر"

"صباح النور... انت لسه نايم؟"

"خلاص هقوم اهو... مامتك نزلت؟"

"اه... انا خايفة"

"تانى؟؟ مش اتكلمنا فى الموضوع ده كثير قبل

كده وملقينا حل تانى... ولا انتى مش

بتحبينى؟"

"انت عارف انا بحبك قد ايه... متقولش كده

تانى"

"خلاص... يبقى على معادنا... جهزتي نفسك"

وضحك ضحكة ذات مغزى توردت وجنتاها

وغيرت دفة الحديث

"انا لازم ارجع قبل ماما"

"عارف... يالا قومي اجهزي"

ارادت ان تتأكد... فسألته

"انت جهزت كل حاجة؟؟ هتجيب منين شهود

دلوقتي؟"

"الورقة معايا واصحابي ماضيين عليها من

امبارح... مفضلش الا امضتك يا قمر وتبقى

حلالى ومش كل ما اكلمك كلمتين تقولى لما

نتجوز"

مازالت مشاعرها متضاربة... فسألته مرة اخرى

"انت متأكد انه مش حرام"





## رد بڻبات

"حرام ازای بس... انتی اکبر من ۲۱ سنه یعنی

مش قاصر... وفیه اتین شهود علی جوازنا...

یبقی فاضل ایہ؟؟ مفضلش حاجه"

"ماما"

"هی الی مش موافقه علی جوازنا... عایزه

تحرمانا من بعض من غیر سبب... وبعدين

معاکی هفضل نتکلم کثیر ونضیع وقت... یالا

علشان نکسب وقت"

"طیب... نص ساعه واکون جاهزه"

"ماشی... سلام"



اغلقت هاتفها... دخلت غرفة والدتها تتسحب

وكانها تخشى ان يسمعها الصمت... مازال

الخوف داخلها

فتحت دولاب والدتها... نظرت للرف العلوى

الذى يحتوى على جهازها... صعدت فوق

السريير وجذبت حقيبة مغلقة

أنزلتها... فتحتها وجدت بها الكثير من اطقم النوم

والبيبي دول

اختارت احدهم... واعادت كل شئ كما كان.

نصف ساعة وكانت على اتم استعداد لمقابلته

تذكرت شيئاً ما... وهو اهم شئ... تمنيت ان يكون

نسيه هو الاخر فيؤجل زواجهما العرفى الذى



يقنعها به منذ ثلاثة اشهر حتى رضخت مستسلمة

حبا وخوفا ان يتركها

اتصلت به كى تسأله ... أتاها صوته اكثر

وضوحا من الاتصال السابق.. يادرها قائلا

"كنت لسه هكلمك"

"وانا نسيت اسألك اهم سؤال"

"معلش من فرحتى نسيت اقولك العنوان"

"عنوان ايه؟؟ مش هو ده اللى عايزة اسألك

عليه... احنا هنروح فين؟ شقة حد تعرفه؟"

"اكيد يعنى شقة حد اعرفه... ماهو انا لو عندى

شقة مكنتش مامتك حطت لى العقدة فى المنشار"

"تانى ماما... ماهى قالت لك أجر وانت قلت لأ"

"خلاص ميجهش منه دلوقتى... ركزى معايا فى

العنوان"

"قبل العنوان... شقة مين؟"

"شقة عمى... وسرقت المفتاح من ابويا"

"و عمك فين؟"

"هو تحقيق؟"

"او مال عايزنى اجى معاك وانا مش عارفة"

"حاجة؟"

"مسافر والمفتاح بيكون مع ابويا علشان لو"

حصل اى حاجة فى الشقة... خلاص ارتاحتى؟"

"وهنطلع ازاي والجيران؟"

"لما اشوفك هقولك.. لسه عندك اسئلة تانى؟"

لهجته كانت حادة... تفيض بعدم الصبر

والممل... ردت ولا يزال القلق ينهش عقلها

"خلاص ... قول العنوان"

استمعت بهدوء وتركيز للوصف التفصيلي الذي  
وصفه... وانتهت المكالمة... واخذت حقيبتها  
وخرجت من الباب بكل هدوء وهي تتلفت  
حولها.

\*\*\*\*\*

بعدها انهي مكالمته معها... جلس على المكتب  
المجاور لسريره... اخرج ورقة من درج  
المكتب... كتب في وسط السطر  
"عقد عرفي" تلاه بعض السطور التي تفيد  
بالزواج العرفي... وكتب في اسفل الصفحة توقيع  
الشهود... وكتب بيده اسماء وارقام بطاقات





وهمية وليدة اللحظة... وترك توقيع الزوج

والزوجة خاليين

طوى الورقة... وابتسم بظفر وهو يضعها فى

محفظته.

\*\*\*\*\*

جلست والدتها مع زميلاتها فى العمل... تشرب

من كوب الشاى امامها وهى تتحدث معهن

دخلت احدى الزميلات من مكتب اخر.. وقلت

بلهجة مازحة

"ازيكم يا ستات"

رددن عليها جميعا... فقالت وهى توجه حديثها

للجميع وتمسك بورقة وقلم بيدها



"فيه عروسة فرحها الخميس الجاي... كل حاجة  
 خلصت ولسه البوتاجاز... جمعت الفلوس ولسه  
 ٢٠٠ جنيه.. يارب اكملهم من عندكم"

ردت احدى الزميلات

"استنى على القبض"

ردت الزميلة" ونزُد المحتاجة اللي جوازها مش

هسيّتى... اللي تقدر تجيب اى حاجة تجيبها

...خلونا نستر اليتيمة"

امسكت بعضهن بحقائبهن... اما هي - الأم -

فهي تعلم تماما ما تملكه للايام الباقية حتى موعد

راتبها وبعده معاش زوجها

حسبت حسبة سريعة فى رأسها... ثم اخرجت

من حقيبتها خمسون جنيهها وأبقت مائة وهي

تفكر هل المائة ستكفيها... ولكنها ردت بحسم

على نفسها "ما نقص مال من صدقة" ربنا

يبارك في اللي باقى

اطبقت يدها على الورقة المالية وهى تعطيها

لزميلتها وتدعو لليتيمة المجهولة بالسعادة.

\*\*\*\*\*

اثناء جلوسها فى المترو ... والذى كان مزدحما

الى حد ما... جلس قبالتها رجل خمسينى...

يجلس بهدوء ينتظر محطته

مازالت الافكار تملأ رأسها... والخوف

يتملكها... نظرت للرجل نظرة عابرة ثم عادت

تنظر له من جديد



تشك انها تعرفه... يبدو انه لايعرفها... وهى لا  
تتذكر من هو ولا اين رآته من قبل؟؟ لكنها على

يقين انها رآته من قبل وتحدثا

تتذكر شكله ولكنه كان مختلفا... يبدو انها رآته

منذ زمن

أخذها الرجل من افكارها لتفكر به... ظلت

تحاول التذكر ولكن دون جدوى

نزل الرجل محطته قبلها... وهى تفكر اين تكون

قد رآته؟

والد احدى صديقاتها... لم تصل لشيء

احد مُدرسيها فى مرحلة سابقة.. لم تصل لشيء

وصلت محطتها ونزلت دون ان تصل لما يريح

ذهنها



قابلت حبيبها فى محطة المترو كما اتفقا... تكلمنا

قليلا فى كلمات قليلة

"انا همشى وانتى ورايا بالظبط... هطلع العمارة

واسيب الباب موارب كأنه مقفول... انتى ادخلى

ورايا على طول واقفل بالراحة"

مشيت خلفه كالمسحورة وهى لازالت تفكر

بالرجل

صعد احدى العمارات فصعدت خلفه... رأت

الباب الموارب فدخلت وأغلقتة بهدوء كما قال

استقبلها فاردا ذراعيه

"وحشتينى"

ترددت قليلا... ثم قالت



"اللى خالنا نستنى كل ده... يخلينا نستنى

شوية... فين العقد؟"

اخرج الورقة من محفظته وهو بيتسم

"انتى مش واثقة فيا بعد كل ده... اهو يا ستى

الورقة وامضاء الشهود بارقام بطايقهم كمان...

اتطمنتى"

قرأت الورقة قراءة سريعة... هزت رأسها

قال لها وهو يشير لاحدى المقاعد

"اقعدى"

"جلست وجلس جوارها... امسك قلما ووقع على

الورقة واعطاها لها كى توقع هى ايضا...

ترددت قليلا... حثها على التوقيع

"ياللا بقى"

كتبت اسمها بخط مرتعش متردد وقلب يرتجف



امسك يدها وقبلها.. وهو ينظر فى عينيها

"مبروك يا حبيبتى"

نهض من مجلسه... وهو يشير على يمين الصالة

"هدخل الحمام بسرعة واجيلك... اوضة النوم

هنا على اليمين"

هزت رأسها... سبقها للحمام.. ونهضت وهى

تمسك بحقيبتها لتتجه لغرفة النوم

فجأة... توقفت عندما تذكرت الرجل الذى رآته

فى المترو

لحظات تفكر وتتنظر حولها وكأنها افاقت من

غيبوبة للتو



رأت العقد مازال على الطاولة... اسرعت بأخذه  
وخرجت مسرعة من الشقة وهي تركض ولا  
تنظر للخلف

ابتعدت عن المنزل بسرعة... مشيت من شارع  
آخر غير الذى جاءت منه... مازال العقد بيدها...  
مزقته قطعا صغيرة وألقته بجانب مقلب قمامة  
فتطاير قطعا صغيرة متباعدة

سمعت رنة هاتفها... توقفت تلتقط انفاسها وهي  
تخرج هاتفها من حقيبة يدها  
ردت بأنفاسها المتلاحقة بعدما رأت اسمه  
"ايوه"  
جاءها صوته متسائلا





"انتى روحتى فين"

اجابت وهى تحاول ان تبدو قوية ثابتة

"انا اسفة مش هقدر... نستنى شوية لحد ما اقنع

ماما تانى"

جاءها صوته عاليا...مخيفا

"تانى ايه وزفت ايه... انتى هتلعبي بيا يا..."

لم تصدق انه يسبها هى ووالدتها... الحبيب

الحنون مرهف الحس يشتمها... هل تبدل فى

لحظة؟؟!!

لم تستطع سماع ألفاظه... اغلقت الهاتف فوراً فى

وجهه... اتصل بها مرة اخرى... ترددت هل ترد

ام لا؟



قررت الرد ربما اعتذر لها... بمجرد فتحها  
للمكالمة انهالت عليها ألفاظه وتهديداته مرة

اخرى

تهديدات!! كيف تحول لهذا الشخص... نقيض من

تحبه!؟!

اكملت طريقها حتى المنزل وهى تبكى بعدما

اغلقت الهاتف تماما... ظلت تبكى فى منزلها

حتى موعد وصول والدتها

فوجدت بها والدتها تبكى بكاء حارا... سألتها بكل

لهفة وقلق وحب

"مالك يا حبيبتى... حصل ايه للعياط ده كله؟"

لم تجد كلمات مناسبة... فأوجزت

"مفيش"



لكن قلق الام لم يتركها... فسألتها

"مفيش ازاي... طمني في ايه؟"

احتضنتها والدتها... فبكت أكثر في حضنها

ولكنها شعرت بالحنان والحب والامان

علاقتها بوالدتها قوية جدا... صديقتان منذ ان

رحل والدها... لم تتوتر العلاقة سوى في الفترة

الاخيرة بعد ان دخل حياتها وتقدم لوالدتها

ورفضته

بدأت تهدأ في حضن والدتها... فسألتها الام

"انتى لسه بتكلميه صح؟؟ هو اللي مز علك

كده؟؟"

ردت على والدتها وهي واثقة في قرارها

"مش هكلمه تانى... اتطمني يا ماما"

ضمتها والدتها اكثر وهي تردد

"الحمد لله ان ربنا نور بصيرتك... يا بنتى والله  
لو كان كويس انا مكنتش قلت لأ ابدأ... انما ده  
واحد سمعته مش كويسة... جاى بيتنا وواضح  
اوى انه عايز ييجى عائلة علينا... ده من اول يوم  
قال هيتجوز هنا.. بالذمة فيه كده؟؟ عارفة لو  
شاريكي بس ظروفه وحشة واخلاقه  
كويسة... كنت قلت وماله تيجوا تقعدوا معايا  
واهو متسيبينيش بدل ما اقعد لوحدى اكلم  
الحيطان"

والدتها تداعبها... تبتسم فى محاولة للتخفيف  
عنها... حاولت مجارة والدتها كى لا تحزن  
فابتعدت قليلا وسألتها وهى تبتسم  
"قولى بقى انك عايزانى افضل معاكى"

"لا يا حبيبتى ان شاءالله ربنا يكرمك بابن  
الحلال وتتجوزى وتتهنى وانا هبقى  
مبسوطة...بس يكون ابن حلال..هاا مش ابن  
ستين فى سبعين"  
اخذت يد والدتها تقبلها وهى تشعر بالندم...  
والخوف ايضا  
فقالت لو والدتها  
"لما حس انى هسيبه هددنى...انا خايفة"  
قلقت الام...فسألتها  
"بيهددك بايه؟؟ هو ماسك عليكى حاجة"  
ردت نافية بسرعة  
"ابدا والله مفيش اى حاجة...الحمدلله"  
نهضت الام وهى تطمأنها





"خلاص...يبقى يوريني هيعمل ايه... اتطمنى..

امك راجل يا بت"

خرجت من غرفة ابنتها وهى مازالت تتحدث

"هغير هدومى ونتغدا واقوم اعملك حاجة

حلو... حلاوة ما ربنا هداكى"

ابتسمت بعد ان شعرت بالحب الجارف

لوالدها... كلمة والدةها صادقة...ربنا هداها...

والحب أيضا هو من أنقذها

الحب القوى الحقيقى الذى لا يُقارن بأى حب

آخر... حبها لوالدها وحب والدةها لها

فالرجل الذى رآته... والذى تذكرته .. كان

خطيب تقدم للزواج من والدها منذ ١٥ عاما...

كانت طفلة ووالدها شابة والجميع يقنعها

بالزواج حتى بدأت تقتنع

وفى احدى الليالى .. وهى تنام فى حضن والدتها  
كالعادة

بكت فى حضن والدتها... واخبرتها انها تحبها  
وتخشى ان يأخذها زوجها منها... ولو معنويا...  
تخاف ان يشاركها احد حبها  
فى الصباح... انهدت والدتها مشروع الزواج  
الذى لم يتم... وسمعتها تخبر الرجل .. رجل  
المترو الذى تذكرته بصعوبة  
"انا اسفة مش هقدر... بنتى محتاجة لى اكثر".

**تمت**

